



**Geistliche || Lieder vnd Psalmen/ der || alten
Apostolischer recht vnd warglau=
biger Christlicher
Kirchen/ so vor vnd nach der || Predigt/ auch bey der
heiligen Communion/ vnd || sonst in dem haus ...**

Leisentritt, Johann

Budissin, 1567

VD16 L 1061

23. Morgens wann man auffstehet/ vnd Abends sich schlaffen legt.

Nutzungsbedingungen

[urn:nbn:de:hbz:466:1-56508](https://nbn-resolving.org/urn:nbn:de:hbz:466:1-56508)

Gefangbuch Johan: Leisentrits/

Wann man
früe auffsiehet / oder
schlafen gehet.

Ein andechtiger Gesang
wann man des Morgens auffsiehet in
dem Thon / Barmhertziger ewiger Gott / oder
folio 308. oder wie volget.



Des morgens vnd abends. CCCXLII



O du Gütigster HErr vnd Gott / wir sagen



danc deiner genad / vor deine wolthatē so gros /



die du erzeigst ohn vnterlas.

Du Gütigster HERR vnd
Gott / wir sagen danc deiner
Genad / Vor deine woltha-
ten so gros / Die du erzeigst ohn vn-
terlas.

Du hast vns HErr erschaffen schon /
da wir nichts warn vñ durch dein Son /
als vns die Schlang verführet hat / nam-
stu vns wider auff zu gnadt.



Gesangbuch Johan: Leisentrits/

O Gott Schöpffer wir danken dir
vnd loben dich rechter gebür / Das wir
bewart seind diese Nacht / für allem vbel
durch dein macht.

Behüt vns auch O Herre Gott den
tag vor aller missehat / das wir den tag
erleuchtet wern / deinen Namen zu loben
vnd ehrn.

Reiß alle sünd vnd tuncckheit / hin-
weg von vnserm herzen weit / damit wir
also vor dem Feind / durch deine hilf be-
schützet seint.


Dir Gott Vater im höchsten Ehren
sey Lob vnd Ehr mit sampt dem E. G.
Desgleichen dem heiligen Geist / von
nun an bis in ewigkeit / Amen.

**Ein anders in dem vort-
gehenden oder folgendem
Ehon.**

Des morgens vnd abends. CCCXLIII



Nun singet lob mit jnnigkeit / vnd rüh-



met Gottes gutigkeit / der vns teglich vorfor-



gen thut / helt Leib vnd Seel in stetter hut.

Nun singet lob mit jnnigkeit / vnd
rühmet Gottes gutigkeit / der vns
teglich vorsorgen thut / helt Leib
vnd Seel in stetter hut.

Das vns nichts böß begegen mag /
wacht vber vns auch nacht vnd tag /
Solchs nempt zu herzen allezeit / vnd jm
zu danken seidt bereit.

Auch sonderlich nim wol zu muth /
was lieb er da bewet / en thut / Das sein



Gesangbuch Johan: Leisentrits/

Son vns ist worden gleich/durch den er
schenckt sein ewig Reich.

Wir rühmen frey ohn alle schew/das
niemandt mag sein lieb vnd trew/ver-
dancken noch aussprechen gar / wenn er
gleich Sång viel tausendt Jar.

Dem Vater in dem höchsten Ehren
vnd Ihesu Christo seinem Son / vnd
heilgem Geist dem Tröster gut / dank
sagen wir von hertz vnd mutz/ Amen.

Ein ander Morgen Ge

sang im Ehon / HErr Jesu Christ
war Mensch vnd Gott/oben

folio 326.

WA sagh dir danck HErr Jesu
Christ / d du vnser beschüser bist
das du vns durch dein gnad vnd
macht / beschützt vnnnd bewart hast die
nacht/vor des Teuffels list vnd böshait
vnd vor aller gefehrlichkeit.



Des morgens vnd abends CCCXLIIII

O Gütiger ewiger Gott/aus welche
Barmherzigkeit vnd gnad/ wir diesen
tag erlebet han/ Wolst vns heut hülff
vnd beystandt than/ vnser Seel Leib vnd
gut bewarn / vor des bösen Geists list
vnd zorn.

Vorley vns HErr hülff gnad vnd
stetck/ das vnser gdancken red vnd werck
nach deinem willn wern angestellt/ Gott-
selig zu lebn in der welt / zu meiden all
sünd vnd böshheit / vnd thun dein willn
vnd gerechtigkeit.

Mit vnser sorg wird nichts gericht!
so du vns dein segen gibst nicht / Drumb
gsegn vnser thun vnd arbeit / das wir
frey vom geis vnd böshheit / dir all-
zeit dienen seliglich / zu lob
deim Namen ewig-
lich .Amen.

Gesangbuch Johan: Leisentrius/

Ein Bittlied im Thon

wie das erste/ O du Gütigster Herr folio

342. oder / Nun singet lob mit iuniaten/

folio 343. Wenn man schlaffen
wil gehen.



O Jesu Christ vnser Heyland/ wir
sagen dir jetzt lob vnd dank/ der
du vns heut an diesem tag/ be-
waret hast durch deine gnad.

Des morgens vnd abends. CCCXLV

Wir bitten dich O Herre Gott / ver-
gib vns vnser missethat / Mit denen wir
heut diesen tag / Erzürnt haben dein
Majestat.

Bewar vns auch in dieser Nacht/
für des Teuffels gewalt vnd macht / das
wir schlaffen on sünd vnd gsehr / an der
Seele vnd am Leib sicher.

Demte wir den Morgigen Tag/
frisch auff mögen stehn on all klag / vnd
dir danken der güttigkeit / Nie vnd dor-
ten in ewigkeit.

Jesus dein ist die herligkeit / die macht
ehr vnd Almechtigkeit / mit dem Vater
vnd heiling Geiße / von nu an bis in
ewigkeit AMEN.

Ein anders wenn man

schlaffen gehet / im Thon wie der morgen
gesang / Wir sagen dir danck 2c. folio 265. oder
Ich das elend menschlich leben
folio 336.



Gnediger Vatter vnd Gott
vnsrer helffer in aller noth / Wir
dein geschöpf zu dieser stund
gen dir danck aus herzen grund / Das
du vns hast aus lauter gnad / Väterlich
bewart diesen tag.

Wir bitten dich demüthiglich / Was
wir habn gethan wider dich / Das ver-
gib vns aus güttigkeit / Dann gros
dein barmherzigkeit / die nacht vns auß
gnedig bewar / Vor sünden vnd aller
gefar.

Herr dir wir vns befehlen thon / Was
Leib vnd Seel vnd was wir hon / Das
schük vns mit deiner macht / Vnd gib
vns ein selige nacht / Das wir vor allem
vnglück vnd fall / von dir werden beschüt-
met all.

Lasß dein Engel vns stehen bey / Das
wir ruhen sicher vnd frey / Damit vns
Herrg Seel vnd leib / In allem gutten be-
stendig bleib / Das vns der böß




Des morgens vnd abends CCCXLVI

Schad zufüg / Nach vns mit seinem list
betrüg.


Auff das wir den Morgigen tag/
gesund mögn auffstehn on alle klag / Vnd
dir däncken mit jnnigkeit / deiner grossen
barmherzigkeit / Das wir zunemen all
samen / im Glaubn lieb vnd hoffnung
A M E N.

Ein ander abend gesang


Christe qui lux &c.



Christ der du bist liecht vnd tag / die finsternis.



der nacht voriaq / wir gleuben dich des liches



schein / Das du dich hast verkünde zu sein.



JS
1806

Ehrst der du bist das liecht vnd tag
Das finsternis der nacht vertag
wir glauben dich des liechtes schein
das du dich hast verkünd zu sein.

Wir bitten Herr dein heilig gütel das
sie vns diese nacht behüt / Sey vnser vnt
in deiner macht / verley vns ein ruhliche
Nacht.

Das nicht ein schwerer traum zu fall
Nach vns begreiff des Feindes quall
auch nicht das fleisch verwilge im / Dm
erweck wieder vns dein grim.

Vnser Augen der schlaff begreiff vnt
hertz wach alzeit zu dir steiff / Dein recht
wol beschirmen H E X X / dein dienert
die dich lieben sehr.

Herr vnser schirmer sey vnd bleib / all
widersacher von vns treib / Deine dienert
regier vnd tröst / Die du hast mit deinem
Blut erlöst.

Gedenck an vns O Gott vnd Herr
in diesem leib der vns ist schwer / De



Des morgens vnd abends CCCXLVII

Du der Seelen bschirmer bist / Vnd steh vns
bey Herr Jesu Christ.

Gott dem Vater im höchsten Thron /
sey lob vnd ehr sampt seinem Sohn / des
selben gleich dem heiligen Geist / Von nu
an bis in ewigkeit / Amen.

Ein Anders im vorigen Thon.

Christe du bist der helle tag / Für dir
die Nacht nicht bleiben mag / Du
leuchtest vns vom Vater her / vnd
bist des liches Prediger.

Ach lieber Herr behüt vns heinde / in
dieser Nacht vorm bösen Feinde / Vnd
lass vns in dir ruhen fein / Vnd vor dem
Sathan sicher sein.

Ob schon die Auger schlaffen ein /
so lass das Herz doch wacker sein / Halt
ober vns dein rechte hand / das wir nicht
falln in sünd vnd schand.



Gesangbuch Johan: Leisentrits/

Wir bitten dich HErr Jesu Christ
behüt vns vor des Teuffels list / Der stets
nach vnser Seelen trachte / Das er an vns
hab keine macht.

Seind wir doch dein ererbtes gut
erworben durch dein heiliges blut / Das
war des ewign Vaters Rath / als er
vns dich geschencket hat.

Befehl dem Engel das er kom / vnd
vns bewach dein eigenthum / Gib vns
die lieben Wechter zu / Das wir vorm
Sathan haben ruh.

So schlaffen wir im Namen dein
diweil die Engel bein vns sein / Du heil-
lige Dreyfaltigkeit / Wir loben dich in
ewigkeit / A M E N.

Ein Hymnus Früe vnd
spat / in dem vorgehenden oder
folgenden Thon zu
singen.


Des morgens vnd abends. CCCXLVIII



D Gott Vater im Himmelreich/der du Almech-



tig bist vnd reich / wir dancken dir mit jnnig-



keit vnd loben deine gütigkeit.

Gott Vater im Himmelreich/ der
du Almechtig bist vnd reich / wir
dancken dir mit jnnigkeit / Vnd
loben deine gütigkeit.

Du vns bewarest frü vnd spot/ vnd
schaffst vns als ein milder G D & E/
Was vns noth ist an leib vnd Seel/ gibst
jeden sein bescheiden theil.



JS
1886

Gesangbuch Johan: Leisentricks.

Das Himmelsbrodt zur seligkeit / dein
Göttlich wort von ewigkeit / Darin die
heilgen Sacrament / Vnd gibst dem leib
die element.

Das der Mensch dauon leben mag
vnd solch gebrauchen alle tag / Im glau-
ben frisch vnd erbarlich / So isse sy
rein vnd seliglich.

O Herr behüt vns tag vnd Nacht
mit deiner trew vnd grosser macht / vor
Sathans zorn vnd argen list / durch vn-
sern Herren Jesum Christ / Amen.

NOTA.

Hierauff mag der beschulfs volgen mit
dem Vater vnser / oben folio 304. Vnd
dem Glauben folio 302. Daneben
die Zehen gebot / folio